



## **Claudii Fleurii Abbatis Historia Ecclesiastica**

Ab anno Christi 1702. usque ad annum 1708

**Fleury, Claude**

**August. Vind. [u.a.], 1781**

**VD18 13322648**

§. 49. Infausta Gallorum expeditio pro Jacobo III. in Scotiam transvehendo suscepta.

---

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

Sæc. XVIII.  
A. C. 1708.

§. XLIX.

*Infausta Gallorum expeditio pro Jacobo III. in Scotiam transvehendo suscepta.*

Postquam Catholicis potissimam partem ex Anglia, Scotia & Hibernia ejectis Anna Regina suis sollicitationibus & artificiis tantum effecerat, ut Regni successio nonnisi Protestantico Principi assereretur, sectæque libertas a Guilielmo ejus Marito invecata stabiliretur, habito Edini conventu Angliæ regnum cum Scotia unire constituit: Haud exiguæ molis erat hoc negotium, inveterata Scotorum cum Anglis similitate indies magis invalescente: nihilominus totum hujus rei conficiendæ ingenium dictabat improbissima cupiditas, contra quam nequidem patriæ libertatis amor, fideique integritas sat constans, firmaque esse solet. Igitur Anna non ferro, sed auro ad prodigalitatem profuso Scotorum animos expugnavit, & coemptis Procerum suffragiis diu optatam utriusque Regni unionem durissimis etsi legibus effecit: Exaudiebantur propterea acerbæ plurimorum querelæ & indignationes; dolebant cordatiores patriæ defensores, totius Nationis Regni que privi-

*Hode l. c. pag. 28  
Theatr. Eur. rop. t. 18. pag. 293.  
Salmon hist. d' Angl. pag. 594  
Rapin cont. t. 12. p. 207.*

Sæc. XVIII. privilegia turpi pretio divendita, liber-  
 A. C. 1708. tatem omnino everfam. Ista clancu-  
 lum principio, mox valentius & pene  
 cum clamosa rebellione in vulgus spar-  
 gebantur: Accendebant acrius primas  
 litigiorum scintillas scriptum quoddam a  
 Lokartio Nobili vulgatum, in quo eor-  
 rum, qui patriam vendiderunt, nomi-  
 na, aurique summa cuilibet data ea  
 ipsis ærarii Regii codicibus descripta  
 legebantur: Inde noværixæ, clamores  
 dissoni, mentes averfæ, & tantum non  
 bellum domesticum, mali commercii  
 pessimum excrementum: mox ad Fran-  
 ciæ Aulam expediuntur Oratores, qui  
 Jacobum III. hæreditarium Scotiæ Prin-  
 cipem in suum Regem postulantes,  
 suppliciter rogarunt, ut Franciæ Rex  
 classem quinque saltem armatorum mil-  
 libus, bellicoque apparatu probe in-  
 structam, quæ Regem suum in Scotiam  
 deferret, submittere velit; hunc enim  
 a populo summis votis exoptari, ac  
 plusquam trigesies mille incolas in ejus  
 favorem arma sumere paratos esse, &  
 fortunam, sanguinemque offerre, ali-  
 unde vero nonnisi tria Anglorum millia  
 Scotiæ finibus excubare dicebant, ce-  
 teris copiis tam in Belgium quam in  
 Hispaniam & Lusitaniam abductis. Hæc  
 temporum rerumque vicissitudo Fran-  
 ciæ rebus adeo proficua videbatur, ut  
 julia

jussu Regis octo majorum, & septua- Sæc. XVIII.  
 ginta onerariarum navium classis Dun- A. C. 1708.  
 ckerkæ & Brestiæ instrueretur, & un-  
 decim militum legiones ductore Gace-  
 Matignonio Comite exscensionem Edini  
 in Scotiam tentare juberentur: Igitur  
 Jacobus III. a Ludovico Rege gladio  
 admodum pretioso (quem Gallicum  
 esse meminisset) donatus, atque Regi,  
 Matri, suæque Sorori valedicens die  
 septima Martii ex oppido S. Germani  
 discessit, & nona ejusdem Mensis die  
 Dunckerkam venit. Vix pedem urbi  
 intulerat, cum ex rumore de proximo  
 classis Anglicæ adventu repentina ægri-  
 tudine obrueretur: at discessum urgente  
 Ludovico Rege, Jacobus unacum For-  
 bino Architalasso die decima septima  
 præfati Mensis Dunckerka solvit, alto-  
 que mari decurrens, nonnisi per qua-  
 tuor horas secundis usus est flatibus;  
 immutata enim repente maris fide, ac  
 disturbato procellis aere Jacobus propter  
 pertinacem furentium Austrorum vio-  
 lentiam Neoportum rejectus est, ubi  
 usque ad vigesimam Martii diem otio-  
 sus substitit: ejusdem vero diei media  
 nocte revulsis anchoris, ventisque pro-  
 pitiiis navigatio promovebat, atque  
 Edinum extensis pleno sinu velis con-  
 tendit: Verum Angli per has moras  
 moniti primo omnes Catholicos Lon-  
 dino,

Sæc. XVIII. dino, munitisque urbibus ejecerunt, A. C. 1708. atque in Anglia & Scotia Jacobum, eique adhærentes tanquam publicos Regni hostes & patriæ proditores promulgato edicto declararunt, cunctoque ad repellendas Gallorum invasiones paratos esse jusserunt, Regina etiam naves diversis in locis parari jussit, contractoque valido exercitu classem quinquaginta navium in Scotiam destinavit, & Leveno Comite ad confirmandos Scotorum animos præmissis cuncta ad validam defensionem disposuit. Unde contigit, ut Jacobus Eboracensis, uti convenerat, appulsus per sexdecim horas Scotorum suppetias frustra præstolaretur; quinimo eodem ferme temporis momento Archithalassius Bingsius cum longe validiore classe se opposuit, & Gallicam tam fortiter præstit, ut non modo eam ab exscensione prohiberet, sed etiam una navi, quam Forbinus anno priori Anglis eripuerat, capta, ceteras aut dispergeret, aut in fugam ageret. In hac fortunæ malevolentia, & in alium Septentrionalem portum Cromatium rursus exscensione incassum tentata, nil reliquum erat, nisi ut ad fallendum hostem navigatio versus Deidonum dirigeretur, mox tamen reflexo cursu Dunkerkam repetere, quo etiam Jacobus post superatam horri-

horridæ tempeſtatis injuriam tandem die ſeptima Aprilis advenit, non alio tam vaſti moliminis emolumento, niſi quod Angli Jacobo faventes & præcipue Catholicos diſcruciandi novum obtentum exin nanciſcerentur, & præterquam quod omnes Gallici Tribuni ac Centuriones nuper in Hœchſtättensî prælio ab Anglis capti, quibus hucusque libera exeundi poteſtas erat indulta, indicta gravi pœna Nothingamum reverti juberentur, inſuper Catholici ubique armis exuebantur, omneſque milites, qui in capta navî erant, necnon plures Duces, Comites, Nobiles, aliique in carceres conjiciebantur, & Griffonius capite plectebatur: Regina etiam Weſtmonaſterii declarabat, quod omni pœnarum ſeveritate Catholicos, quibus Jacobi molimina imputabat, infectatura, hujusque expeditionis ſumptus ex divenditis novorum rebellium ac Religionis Papifticæ defenſorum bonis compenſatura eſſet. Denique præcepit, ut pœnæ olim contra Catholicos decretæ in toto Regno executioni darentur.

Sæc. XVIII.  
A. C. 1708.

§. L.

*Continuatæ Toggenburgenſium  
turba.*

*Hiſt. Eccleſ. Tom. LXVII. Z z Quam-*